

egun-pasa

'Perla beltza', xanpain koktel gozoa

Osagaiak: Tia Maria (2 cl), koñaka (2 cl), xanpaina (8 cl), izotz puskak eta bi ginga.

Jamaikako Mendate Urdinetako kafe ale usaintsuekin, azukre kanaberarekin, belar usaintsuekin eta banillarekin egiten dute Tia Maria. Istorioak dioenez, erre-

zetak Espainiako kolono familia batek asmatu zuen, Jamaikan, XVIII. mendean. Garai hartan, ingelesek espainolak bidali zituzten uhartetik, eta errezetak eraman zuen neskame baten izena hartu zuen: Tia Maria.

Tia Maria, koñaka eta izotza nahastu koktelontzian, eta xanpain kopa batera pasa. Gehitu xanpain hotz gehiago, eta atondu gingekin. *Perla beltza* otorduen aurretik edo ondoren har daiteke.



EGUNKARIA

erakusketa. Garcia Lorca antzokian.

IRUN. Dantza garaikidea eta zuzeneko musika. Maiatzaren 26an, arratsaldeko 20.00etatik aurrera, Kabigorri ateneoan.

ikus-entzunezkoak

ARETXABALETA. 'Munduari bira 17 urtetan, belauntzian eta familian'. Gaur, arratsaldeko 19.00etan, Kultur Etxean, Xanti Gonzalezen eskutik.

DONOSTIA. Txirritari buruzko marrazki bizidunak. Ostirala arte, egunero 17.00etan eta 20.00etan, Altzako Kasares kultur etxean.

'Hitzak egin gaitu'. Bihar, Txalaka elkarteak, (Larratxo) arratsaldeko 19.30ean.

'Encuentros privados' filma. Bihar, arratsaldeko 19.30ean, Antzoki Zaharrean, Emakumearen Astea dela eta.

IRUN. 'Áfrika: Atlantikotik, Indikora'. Gaur, arratsaldeko 19.30ean, Amaia KZn, Imanol Ugarteren eskutik.

LEGAZPI. 'Aconcagua: centinela de piedra'. Bihar, arratsaldeko 20.00etan, Kultur Etxean, Joseba Ugaldereen eskutik.

MENDARO. 'Munduari bira 17 urtetan, belauntzian eta familian'. Bihar, gaueko 22.30ean, Kultur Etxean, Xanti Gonzalezen eskutik.

musika

Anari Iruñeko Erraldoien Txokoan (20.30ean)

ANARI MUSIKAGILEA

Xabier Martin | DONOSTIA

Iruñeko Erraldoien Txokoan datozen egunotan egingo diren kontzertuen zerrendaren barruan dago gaur Anarik emango duena. Azkoitiko kantariak apenas izan duen atsedenik azken hilabeteotan; horregatik, iraila artean gauzak lasaixeago hartuko dituela adierazi digu.

■ **Urtea hasi zenetik, kontzertu asko eman duzu taldearekin batera. Zer asmo duzu orain?**

Egia esan, ez dakit kontzertu gehiegi eskaini ez ote dugun, atsedenik gabe aritu gara eta... Iruñeko gaurko kontzertua azken izango da iraila arte. Taldea geratu egingo da; besteak beste, kide bakoitzak beste konpromiso ere erreparatu behar dielako.

■ **Zergatik ibili zarete hain erritmo bizian?**

Azken diskoa atera genuenetik jo eta su ibili gara, baina beti gustura, jendeak jarrera primerakoa izan duelako gurekin.

■ **Non ekingo diozue berriz irailean jotzeari?**

Ziurrenik, Katalunia eta Valen-

«Gaur emango dugu iraila arteko azken kontzertua»



PABLO S. QUIZA

tzia aldera joango gara. Esperimentzia polita izango dela uste dut.

■ **Ukaezina da bakarlarieen egitura asko zabaldu dela Euskal Herrian. Zergatik du egitura horrek egun horrenbesteko arrakasta?**

Bakarlariak betidanik egon dira. 80ko hamarkadan talde gehiago sortzen ziren, hori bai. Baina bakarlari bakoitzak musika ezberdina egiten du. Hala ere, garbi esan nahi dut nik azken diskoan taldearen kontzeptua oso barneratua dudala; ez alferrik, hila-beteak eman ditugu elkarrekin zuzeneko kontzertuak ematen.

■ **Egitasmo berririk ba al duzu buruan?**

Disko berri bati buruz ari bazara, ez. Izan ere, oraindik erabat identifikaturik nago azken lanarekin, *Habiak* diskoarekin. Batzuetan sortzen ditut gauza berriak, baina ez dut buruan disko berririk, oraindik ez behintzat.

■ **Nolakoa izango da gaurko egitaraua?**

Gehienbat azken laneko abes- tiak joko ditugu, baina zaharra- goak ere izango dira.

hitzaldiak

BILBO. 'Hizkuntzen dinamika Europaren ekialdean Europako Batasuna dela xede'. Gaur, arratsaldeko 20.00etan, Christian München eskutik.

'El Plan Colombia y la cooperación internacional. retos y dificultades'. Gaur, arratsaldeko 19.00etan, La Bolsa auzoetxean.

DONOSTIA. 'Afrontar la guerra sin hospitales'. Bihar, arratsaldeko 19.30ean, Medikuen Koloegioaren areto nagusian, Emir Frastoren eskutik.

'Eskola katolikoaren oraina eta etorkizuna'. Gaur, Karmelo ikastetxean, Mikel Ormazabal, Maite Martinez, Agustin Ortiz, Charo Alonso, Iñaki Molina eta Jose Maria

Artolaren eskutik.

'Intimitatea, Emakumearen Astea'. Gaur, Juan Velazquezen eskutik, Okendo kultur etxean, arratsaldeko 19.30ean.

'Gipuzkoako itsasbazerreko hiribilduetan bizi aro modernoa'. Gaur, arratsaldeko 19.30ean, Elozegi aretoan, Lourdes Odriozolaren eskutik.

DURANGO. 'Garai erromatarra Euskal Herrian'. Gaur, arratsaldeko 19.30ean, Etxezarreta Jauregian, Milagros Esteban Delgadoren eskutik.

EIBAR. 'Uste ustelak uraren inguruan'. Gaur, arratsaldeko 19.00etan, UEUko egoitzan (Markeskoa), Iñaki Antiguedaden eskutik.

'Meteorologi zantzuak Naturan'. Bihar, Pello Zabala-

ren eskutik, arratsaldeko 19.00etan, UEUko egoitzan (Markeskoa).

GARES. Elkarrirren Bake Konferentzia. Gaur, arratsaldeko 20.00etan, Gomacín elkarteak.

GASTEIZ. 'Literatura eta generoa'. Gaur, arratsaldeko 19.30ean, Laura Mintegiren eskutik, gaztetxean.

IBARRA. 'Herrien nortasuna, guztion aberastasuna'. Gaur, arratsaldeko 20.00etan, Kultur Etxean.

IRUÑEA. 'Xarxa feminista: la relación entre mujeres como práctica política'. Gaur, arratsaldeko 19.30ean, Zabaldin (Navarrería, 25).

'La mujeres de Colombia por sus derechos sexuales y reproductivos'. Gaur, arratsaldeko

19.30ean, Zabaldin (Navarrería, 25), Ana Boteroren eskutik.

'Euskal rock and rollaren garapena'. Maiatzaren 26ean, Txantreako herriko tabernan, arratsaldeko 17.00etan, Fermin Muguruzaren eskutik.

LASARTE-ORIA. 'Prestakuntza fisikoa mendian'. Gaur, Batasuan Elkartearen egoitzan, arratsaldeko 20.00etan, Iñaki Balmasedaren eskutik.

LEGAZPI. 'Dieta mediterránea'. Gaur, arratsaldeko 19.30ean, Kultur Etxean, Uranga eta Lorenzoren eskutik.

MUTRIKU. 'Eritreari buruzko hitzaldia: egoera, beharrak, ...' Gaur, Zabil kultur etxean, arratsaldeko 19.00etan, Itziar Aranaren eskutik.

OIARTZUN. '20 urteren buruan, bertso astea'. Bihar, 19.00etan, Liburutegian, Joxe Kruz Ezeiza, Juan Jose Mitxelena, Iñaki Arbelaiz eta Rafael Labandibarren eskutik.

OÑATI. 'Nerabezaroa, gurasoen ametsgaiztoa'. Gaur, arratsaldeko 19.00etan, Santa Eskolastikako aretoan.

ORIO. 'Euskal toponimia, Ipar Atlantikoan'. Gaur, arratsaldeko 20.00etan.

ZAMUDIO. 'Herri-kirolen bilakaera'. Gaur, arratsaldeko 20.00etan, Iñaki Perurenaren eskutik, Zamudio Torrean.

bestelakoak

ABADIÑO. 'Norberaren olerki emanaldia: Honorio Cadarso,

Peru Magdalena, Jose Maria Gomez, Vicente Moreno'. Gaur, arratsaldeko 19.30ean, Kultur Etxean.

AGURAIN. 'Zazpi kolore' eleberriarren aurkezpena. Gaur, arratsaldeko 19.30ean, Harresian, Jon Arretxe idazlearen eskutik.

BILBO. 'Bar puerto, bazterreko ahotsak'. Gaur, gaueko 22.00etan, Kafe Antzokian, Kirmen Uribe eta Joseba Urdangarinen eskutik.

DONOSTIA. Zirkoa. Datozen bi asteetan, egunero 17.30etik 19.30era, Garbera merkatalgunean.

Literatur irakurketa. Gaur, *Zikoinaren hegaldia*, Patxi Zubizarretaren eskutik, arratsaldeko 20.00etan Liburutegi Nagusian.

ZAMUDIO. Txan Magoa. Maiatzaren 26an, Zamudio Torrean, eguerdiko 12.30ean.